


উরুস-হাদিয়্যার তরতীব



নারায়ে
গাউসিয়াত
ইয়া গাউসুল
আজম দস্তগীর
ইয়া গাউসুল আজম
মাউজতাগরী

নারায়ে
তকবীর
আব্বাহ
আকবর

নারায়ে
রেসালাত
ইয়া
রাসুল্লাহ



আলোকধারা বুকস

এস জেড এইচ এম ট্রাস্টের প্রকাশন

উরস-হাদিয়ার তরতীব

[আউলিয়ায়ে কেরামের উরসে নজর- নেয়াজ পেশ ও
আচরণ বিধির রূপরেখা]

- ☆ অধ্যক্ষ মাওলানা গোলাম মুহাম্মদ খান সিরাজী
- ☆ মাওলানা মুহাম্মদ শায়েস্তা খান আল আজহারী
- ☆ মাওলানা কাজী হাবিবুল হোসাইন

Sunnipedia.blogspot.com
Sunni-encyclopedia.blogspot.com
PDF by (Masum Billah Sunny)

উরস-হাদিয়ার তরতীব

শাহানশাহ হযরত সৈয়দ জিয়াউল হক মাইজভাগরী (কঃ) ট্রাস্ট প্রকাশন

আলোকধারা বুকস-এর পক্ষে-

প্রকাশক

সৈয়দ মোহাম্মদ হাসান

গাউসিয়া হক মনজিল

মাইজভাগর শরিফ

ডাক: ভাগর শরিফ, ফটিকছড়ি, চট্টগ্রাম-৪৩৫২

প্রথম প্রকাশ: সেপ্টেম্বর ২০১৫

আ.বু : ০১৪

মুদ্রণ: দি আলোকধারা প্রিন্টার্স

গাউসিয়া হক ভাগরী খানকাহ শরিফ

সৈয়দ সলিমুল্লাহ শাহ রোড

বিবিরহাট, পাঁচলাইশ, চট্টগ্রাম - ৪২১১

মূল্য: দশ টাকা মাত্র।

পেশ কালাম

বিসমিল্লাহির রাহমানির রাহীম

পৃথিবীর অন্যান্য স্থানের ন্যায় আমাদের বাংলাদেশেও শত শত আওয়ালিয়ায়ে কেরামের উরস শরিফ যথাযোগ্য ধর্মীয় মর্যাদায় অনুষ্ঠিত হয়। মাইজভাগর দরবার শরিফেও পবিত্র উরস শরিফ, খোশরোজ শরিফসহ বিভিন্ন অনুষ্ঠানের আয়োজন করা হয়। এসব মর্যাদাপূর্ণ অনুষ্ঠানে হাদিয়া, নজর-নেয়াজ পেশ করা হয়। পেশ করা হয় হৃদয়ভরা আকৃতি ও আর্জি। আশেক-ভক্ত-অনুরাগীরা এসব নজরানা দাখিল করেন। ইসলাম শৃঙ্খলা, নিয়মানুবর্তিতা, পবিত্রতা ও সুরূচির ধর্ম। স্বাভাবিকভাবে উরস শরিফের মতো ধর্মীয় মর্যাদাপূর্ণ অনুষ্ঠানে উচ্চমাত্রার পবিত্রতা ও শোভনীয়তা প্রত্যাশিত। মাসিক আলোকধারা অতীতের মতো গবেষণাধর্মী উদ্যোগ নিয়ে এ ব্যাপারে একটা রূপরেখা প্রণয়নে সচেষ্ট হয় এবং মাইজভাগরী সিলসিলার তিনজন বিজ্ঞ আলেম অধ্যক্ষ আলহাজ্ব মাওলানা গোলাম মুহাম্মদ খান সিরাজী, মওলানা মুহাম্মদ শায়েস্তা খান আল আজহারী এবং মাওলানা কাজী হাবিবুল হোসাইন সমবায়ে একটি সেল গঠন করা হয়। মাইজভাগরী আখ্যাত ঘরানার এই বিজ্ঞ আলেমত্রয়ের সৃষ্টিত বীক্ষণ পুস্তিকা আকারে প্রকাশ করা হলো; যা আলোকধারার সেপ্টেম্বর ২০১৫ সংখ্যায় মুদ্রিত হয়। এই তিনজন আলেমের তিনটি নিবন্ধে উরস হাদিয়ার ব্যবহারিক, তাত্ত্বিক এবং উসূলের রেফারেন্স বর্ণিত হওয়ায় পুরো বিষয়টা সামগ্রিক পরিপূর্ণতা নিয়ে বিজ্ঞ পাঠকদের সামনে উপস্থাপিত হয়েছে বলে আমরা আশা করি। আমাদের প্রত্যাশা, মাইজভাগরী আশেক-ভক্তবৃন্দ এতে উপকৃত হবেন এবং শরিয়াতের আচরণবিধির আলোকে হাদিয়া-নাজরানা পেশসহ উরস শরিফের আঞ্জাম দিতে সক্ষম হবেন। এ ব্যাপারে কারো আরো কোন পরামর্শ থাকলে আলোকধারা অফিসে পাঠানো যাবে। মাসিক আলোকধারার সম্মানিত লেখকবৃন্দের যে সব মত-বিনিময় বৈঠক ইতিপূর্বে অনুষ্ঠিত হয়, সেগুলোতে বিজ্ঞ আলেম-ওলামারাও অংশ নিতেন। এঁরা সবাই সমাজের একেবারে ভূগমূল স্তরের সাথে সম্পর্কিত ধর্মপ্রাণ ব্যক্তি। উরস শরিফ, হাদিয়া মিছিল প্রভৃতি আমাদের ধর্মীয় ও সামাজিক আচার-অনুষ্ঠানের অন্যতম অনুষ্ণ হিসেবে বিবেচিত ও উদ্‌যাপিত হয় বিধায় তাঁরা এসব অনুষ্ঠানে ধর্মাচার-সংশ্লিষ্ট পবিত্রতা, শৃঙ্খলা, সুরূচি ও শোভনীয়তার উপর আলোকপাত করে সর্ব সাধারণের পালনযোগ্য একটা আচরণবিধি প্রনয়ণের উপর গুরুত্ব আরোপ করেন। এই পুস্তিকা তাঁদের সেই আগ্রহেরই ফলশ্রুতি।

শাহানশাহ হযরত সৈয়দ জিয়াউল হক মাইজভাগরী (এস জেড এইচ এম) ট্রাস্টের প্রকাশন 'আলোকধারা বুকস' এই গুরুত্বপূর্ণ পুস্তিকা প্রকাশ করে আমাদের ধর্মীয় সংস্কৃতি-সাহিত্যে মূল্যবান সংযোজনার গৌরবের অধিকারী হয়েছেন। আল্লাহ রাসুল আলামিন, নবীজী (দ.) এবং মাইজভাগর দরবার শরিফসহ দুনিয়ার সকল অলি-দরবেশ-মুশ্বিদ আমাদের এই খেদমত কবুল করুন। আমীন!

তারিখ ১৫ সেপ্টেম্বর ২০১৫
সৈয়দ সলিমুল্লাহ শাহ রোড
পাঁচলাইশ, চট্টগ্রাম-৪২১১।

মোঃ মাহবুব উল আলম
সম্পাদক, মাসিক আলোকধারা; চেয়ারম্যান
এস জেড এইচ এম ট্রাস্ট গবেষণা ও প্রকাশনা কমিটি

Sunnipedia.blogspot.com
Sunni-encyclopedia.blogspot.com
PDF by (Masum Billah Sunny)

আওলিয়া কেরামের উরস শরিফে অনুসরণীয় আচরণবিধি

॥ মাওলানা মুহাম্মদ শামেস্তা খান আল আবহারী ॥

বিসমিল্লাহির রাহমানির রাহীম

উরস শরিফের কার্যক্রম সবকিছু কুরআন-সুন্নাহর বিধি মোতাবেক পীর সাহেব হজুরের নির্দেশ অনুসারে পরিচালিত হবে:

১। সর্বপ্রথমে উরস পরিচালনা কমিটি প্রস্তুতি মিটিংয়ের মাধ্যমে উরস শরিফের পূর্ণাঙ্গ কর্মসূচি ঘোষণা করবেন এবং বিভিন্ন উপকমিটিকে ও সংশ্লিষ্ট দায়িত্ববান ব্যক্তিবর্গকে দায়িত্ব বস্তু করে দিবেন। পীরের দরবার থেকে যার প্রতি যে দায়িত্ব অর্পিত হবে, তা মাথা পেতে নেয়াই আদব।

২। প্রচার কার্যে ব্যবহৃত ব্যানার ফ্যানস্ট্রন ও চিঠিপত্র, পোস্টার হ্যান্ডবিল যদি রাস্তায়, নালা নর্দমায় পড়ে থাকে তা চরমভাবে বেহরমতি হয়। তাই পোস্টার, হ্যান্ডবিলের ব্যবহারে সংযত হওয়া চাই। আশেক-ভক্তগণ নিজ অঙ্গপে টেলিফোন ম্যাসেজ, ফেইসবুক ও ইন্টারনেটের মাধ্যমে প্রচার কার্য চালাবে। প্রচার কার্যে ইলেক্ট্রনিক্স মিডিয়া প্রিন্ট মিডিয়ায় ব্যবহারও অপরিহার্য।

৩. হাদিয়ার ব্যবস্থা:

পীর বুজুর্গের দরবারে সামর্থানুসারে হাদিয়া নিয়ে যাওয়া সুন্নাহ। নবীজীর (দ.) সাহাবীগণ আন্নাহতায়ালার নির্দেশে নবীজীর (দ.) খেদমতে হাদিয়া নিয়ে যেতেন। ভক্তি মহক্বত সহকারে সামর্থানুসারে যে কোন বস্তুই হাদিয়া হতে পারে, যেমন উট, গরু, মহিষ, ছাগল, ভেড়া, হাঁস, মুরগী, চাল, ডাল বিভিন্ন ধরনের দ্রব্য আতর গোলাপ ফুলের তোড়া, গিলাফ, চাদর, মোমবাতি, আগরবাতি, টাকা পয়সা ইত্যাদি। দরবারের পক্ষ থেকে অনুমতি থাকলে বা হাদিয়া পেশ করার রেওয়াজ থাকলে সাধ্য ও সামর্থানুসারে পরিবারের ক্ষতি না করে, ধার কর্ত না করে স্বতঃস্ফূর্তভাবে হাদিয়া পেশ করবে; আর যদি একাধিক ব্যক্তি বা কমিটির চাঁদায় হাদিয়া হয়, তাহলে লক্ষ্য রাখতে হবে কারো কাছ থেকে জোরপূর্বক, লজ্জায় ফেলে বা পরিস্থিতি সৃষ্টি করে বাধ্য করে হাদিয়ার চাঁদা নেয়া যাবে না। হাদিয়া কেনার পর অতি যত্ন সহকারে রাখা হবে। গোসল করিয়ে সুসজ্জিত করে উরস শরিফের দিন আশেক-ভক্তগণ পবিত্রতাসহ মর্যাদাপূর্ণ মিছিল (হাদিয়া মিছিল) নিয়ে জিকিররত অবস্থায় দরবার শরিফ অভিমুখে রওনা হবেন। মাইজভাগারী তুরিকা অনুসারে বাদ্য-যন্ত্র সহকারে যদি মিছিল হয়, তবে লক্ষ্য রাখতে হবে যেন আদবের খেলাপ না হয়। দরবারী আমেজ, ভাব-গান্ধীর্ষ যেন বজায় থাকে, বাড়াবাড়ি রং-তামাসার ভাব যেন প্রাধান্য না পায়। পশু হাদিয়া হলে যেন অযথা কষ্ট দেয়া না হয় এবং হাদিয়া মিছিলের কারণে পথচারী ও গাড়ি-যোড়ার চলাচলে যেন ব্যাঘাত না ঘটে। ব্যাভ পার্টির তালে তালে আশেক-ভক্তগণ নারায়ে তাকবীর আন্নাহ আকবর, নারায়ে রিসালত ইয়া রাসূল্লাহ (দ.) নারায়ে গাউসিয়া ইয়া গাউসুল আ'যম দস্তগীর (ক.) গাউসুল আ'যম মাইজভাগারী (ক.) - মারহাবা মারহাবা ইত্যাদি স্লোগানে আকাশ-বাতাস মুখরিত করবেন। নামাজের সময়, মসজিদ, কবরস্থান ইত্যাদি বিষয়ে

উরস হাদিয়ার তরতীব-০৪

লক্ষ্য রাখতে হবে। এ ক্ষেত্রে নীরবতা পালন করা বাঞ্ছনীয়। এভাবে দরবারের নিকটবর্তী হলে দরবার শরিফের নির্দেশনা অনুযায়ী স্বেচ্ছাসেবকগণের সহযোগিতা নিয়ে হাজার হাজার ভক্ত আশেকগণের সমাগমে তাদের কোনরূপ অসুবিধা না হয় মত অত্যন্ত আদব ও মহক্বত সহকারে হাদিয়া পেশ করা হবে।

৪. উরস শরিফে শরীক-শামিল হওয়ার প্রস্তুতি:

উরস শরিফে অংশ গ্রহণকারী আশেক ভক্তগণ দুই ধরনের : (১) উরস শরিফ পরিচালনায় দায়িত্বপ্রাপ্ত আশেক-ভক্ত (২) সাধারণ আশেক-ভক্ত। প্রথম প্রকারের আশেক-ভক্তগণ দরবার শরিফ হতে যেদিন যে সময় আসার নির্দেশ দিবেন, ঐদিন যথাসময়ে দরবারে পাকে উপস্থিত হবেন, দেহ-মন পবিত্র করে। (ক) যে কদিন উরস শরিফের খেদমতের জন্য দরবারে পাকে অবস্থান করবেন ঐ সময়ের জন্য পূর্ণ প্রস্তুতি নিয়ে আসবেন এবং পরিবারের ভরণ-পোষণ দিয়ে আসবেন। লক্ষ্য রাখতে হবে, যাতে দরবারে পাকে অবস্থানকালীন পরিপূর্ণ আদব রক্ষা হয়, অত্যন্ত মহক্বত-ভক্তি ও আন্তরিকতার সাথে যেন অর্পিত দায়িত্ব পালন করা হয়। আপনাকে যে দায়িত্ব দেয়া হোক না কেন, তা যদি আপনার ব্যক্তিত্বের সাথে খাপ না খায়, তবুও তা মাথা পেতে নিতে হবে। মনে না চাইলেও করতে হবে। কারণ, মন মানে নফস, নফস সব সময় আপনাকে বিভ্রান্ত করতে চাইবে। তাই মনের বিরোধিতা করতে নিজ ব্যক্তিত্ব পীরের দরবারে বিসর্জন দিতে হবে। রাগারাগি, অভিমান, দাস্তিকতা, অহংকার, আমিষ, লোক দেখানো প্রশংসা কামনা করা, নিজেকে মানী-সম্মানী, মর্যাদাবান মনে করা, অন্যজন থেকে নিজেকে উপযুক্ত ও ভাল মনে করা প্রভৃতি সব শয়তানী স্বভাব পীরের কদমে বিসর্জন দিতে হবে। এটাই রেয়াজত, এটাই বন্দেগী, এটাই আত্ম উন্নয়নের সোপান।

(খ) দ্বিতীয় প্রকারের অংশগ্রহণকারীগণ সময়-সুযোগ অনুসারে উরস শরিফের দিন বা আগের দিন ওয়ু গোসল সেরে দেহ-মন পবিত্র করে সম্ভব হলে ছেলে-সন্তান ও আত্মীয়-স্বজনসহ নিজ ব্যবস্থাপনায় অথবা আরো অন্যান্য ভক্তবৃন্দসহ বাস কাফেলায় বা হাদিয়া মিছিল নিয়ে রওনা হবেন।

আসা-মাওয়ার পথ নিরাপদ হলে, দরবার শরিফে মহিলাদের বিশেষ ব্যবস্থা থাকলে পর্দাসহকারে মহিলাদেরকেও নিয়ে যেতে অসুবিধা নাই। তবে মহিলাদেরকে উরস শরিফ ব্যতিত অন্য সময় নিয়ে যাওয়া উত্তম।

দরবার শরিফ এরিয়ায় (যে স্থান থেকে উরস শরিফের আমেজ শুরু হচ্ছে) পৌঁছার পর উরস পরিচালনা পরিষদ বা সহযোগী সংগঠনগুলো জায়েরীনদের সুবিধার্থে যে ব্যবস্থা গ্রহণ করেছেন তার প্রতি সম্মান প্রদর্শন করা আবশ্যিক। যেমন সামান্য কিছু দূরে গাড়ি রেখে হেঁটে যাওয়া ইত্যাদি। দরবার শরিফে পৌঁছে অত্যন্ত আদব ও মহক্বত সহকারে ধীরে ধীরে সঙ্গী-সাথী সবাইকে নিয়ে (ভীড়ের মধ্যে কারো যেন অসুবিধা না হয়) রওজা শরিফ জেয়ারত করবেন এবং হাদিয়া নাজরানা (সামর্থানুসারে) আতর, গোলাপ, মোমবাতি, আগরবাতি, টাকা-পয়সা ইত্যাদি মাজার শরিফ কর্তৃপক্ষের নির্দিষ্ট স্থানে নিয়োজিত খাদেমদের নিকট পেশ করা হবে। কর্তৃপক্ষের অনুমোদন নাই এমন কাজে লিপ্ত হবেন না। যেমন আপনার ইচ্ছা আপনার কাফেলার সবাইকে নিয়ে কিয়াম-মিলাদ

উরস হাদিয়ার তরতীব-০৫

মুনাজাত করা। তাতে যদি কর্তৃপক্ষের অনুমোদন না থাকে তাহলে সেটা নিয়ে আর বাড়াবাড়ি না করা। মাজার শরিফসমূহের জিয়ারত সমাণ্ড করে পীর সাহেব হুজুরের খেদমতে হাজির হবেন অত্যন্ত আদব ও মহব্বত সহকারে। সেখানে যদি বিশেষ কোন নিয়ম-শৃঙ্খলার তাগিদ থাকে, মেনে চলবেন। কোন ধরনের তাড়াহুড়া হৈ চৈ নিষিদ্ধ। হুজুরের সাথে সাক্ষাতের সময় তাঁর পছন্দ নয় এমন কোন কাজ যেন আপনার পক্ষ থেকে না হয়। আপনার কোন কর্মে যেন তিনি বিরক্ত না হন। লাইনে অসংখ্য অপেক্ষমাণ ভক্তের যেন অসুবিধা না হয়, সেভাবে শুধু মাত্র আদব সহকারে দরবারের রেওয়াজ অনুযায়ী হাদিয়া পেশ করে দোয়া ও দয়ার আরজ রেখে খুব অল্প সময়ে বিদায় নেবেন। এর পর উরস পরিচালনা কমিটির অফিসে যোগাযোগ করে আপনার কাফেলার ক্যাম্প ও অন্যান্য উপকরণ সংগ্রহ করবেন। উরস শরিফ পরিচালনা পরিষদ কর্তৃক দেয়া আপনার কাফেলার জন্য নির্ধারিত স্থানে সবাইকে নিয়ে বসবেন; ইবাদত ও রেয়াজতে মশগুল হবেন এবং আপনারা সবাই উরস শরিফ চলাকালীন কর্তৃপক্ষের পূর্ণ নিয়ন্ত্রণে থাকবেন। তাবারুক তথা অন্য যে কোন কিছুর জন্য কাড়াকাড়ি বাড়াবাড়ি হৈ চৈ মান-অভিমান চলবে না। সর্বক্ষেত্রে আদব ও ত্যাগ প্রদর্শন করতে হবে। অন্য জনের সুবিধাকে প্রাধান্য দিতে হবে। এটাই তুরিকতের দীক্ষা। উরস শরিফের ক্যাম্পে অবস্থানকালীন দরবারের নির্দেশনামুযায়ী যথাস্থানে যথাসময়ে নামাজ আদায় ওয়াজ নসীহত জিকির-আজকার সুফিয়ায়ে কেরামের নির্দেশনা মোতাবেক মাহফিলে সেমার আয়োজন হবে। এক্ষেত্রে সাউন্ডের ব্যবহার যেন অতিমাত্রায় করা না হয়, শব্দদূষণ না হয়। কোন কিছুতে অতিরঞ্জিত করা যাবে না, যেন সবক্ষেত্রে আদব রক্ষা হয় সেদিকে লক্ষ্য রাখতে হবে। 'আদবে আওলিয়া বে-আদবে দেউলিয়া'! আর যদি কেন্দ্রীয়ভাবে ওয়াজ নসিহত মিলাদ মাহফিল জিকির-আজকার মাহফিলে সেমার আয়োজন হয়, সেক্ষেত্রে কর্তৃপক্ষের নির্দেশনামুযায়ী আপনার কাফেলার সবাইকে নিয়ে ভক্তি ও আদব সহকারে মাহফিলে শরীক হবেন। বাবাজানের সোহবতে আন্তরিকভাবে আত্মনিয়োগ করবেন। মাহফিল চলাকালীন সময়ে কারো সাথে কোন আলাপচারিতায় লিপ্ত হবেন না। বজাগণের বক্তব্য গভীর মনোযোগে শ্রবণ করবেন। আর বাবাজানের তকরীর অত্যন্ত মনোযোগ সহকারে একনিষ্ঠভাবে মনের কোঠায় গেঁথে ফেলবেন। কারণ, এগুলো আপনার দুনিয়া-আখিরাতের পাথের। আখেরী মুনাজাতে অংশ নিয়ে যথাস্থানে অবস্থান করবেন। বাবাজানকে নিরাপদে মাহফিল ত্যাগ করার সুযোগ দিন। মানুষকে কষ্ট দিয়ে, ঠেলাঠেলি করে বাবাজানের নিকটবর্তী হয়ে তাঁকে সালাম করার চেষ্টা করবেন না, যা তাঁর কষ্টের কারণ হবে। দূরে থেকে ভক্তি-মহব্বত সহকারে শ্রদ্ধা প্রদর্শন করবেন। তাঁর নির্দেশাবলী মেনে চলা তাঁর দোয়া-দয়া মেহেরবানী পাওয়ার জন্য এইটুকু যথেষ্ট। আর যদি তাবারুক বিতরণ হয়, সুশৃঙ্খলভাবে বসে তাবারুক গ্রহণ করবেন। কোন কারণে যদি তাবারুক আপনার ভাগ্যে না জুটে মন খারাপ করবেন না। দরবারে পাকের সীমানার অভ্যন্তরে সব খাদদ্রব্যই তাবারুক। তা নিজেও গ্রহণ করবেন, পরিবারবর্গের জন্যও নিয়ে যাবেন। পরিশেষে দরবারে পাক থেকে বিদায় নিয়ে যারা আপনার সাথে আপনার কাফেলায় এসেছেন, তাদের সবাইকে সাথে

উরস হাদিয়ার তরতীব-০৬

নিয়ে অন্য ভক্ত জায়েরীনদের যেন কোন প্রকার অসুবিধা না হয়, সেভাবে নিজ গন্তব্যে ফিরে আসবেন। উরস শরিফে অবস্থানকালে সবার সাথে নম্র-ভদ্র ব্যবহার করবেন। দরবারী ভাইদের সাথে কুশলাদি বিনিময় করবেন সবার খোঁজখবর নিয়ে। মজলুব ফকির দরবেশদের প্রতি সম্মান প্রদর্শন করবেন। ফকির মিসকীন অভাবী বিকলাঙ্গ ভিক্ষুকদেরকে দান খয়রাত করবেন। দূর-দূরান্ত থেকে আগতদের নিজ নিজ এলাকায় তুরিকতের প্রচার-প্রসারের বিষয়ে মতবিনিময় করবেন। এক্ষেত্রে যুগোপযোগী পদক্ষেপ নিতে উৎসাহিত করবেন। উরস শরিফে কোন বিশৃঙ্খলা অসুবিধা দৃষ্টিগোচর হলে কর্তৃপক্ষকে দ্রুত অবহিত করবেন।

উরস শরিফের কর্মসূচি নিম্নরূপে হলে ভাল হয়:

- ন্যূনতম ১মাস পূর্বে প্রস্তুতি মিটিং করে দায়িত্ব বন্টন করা।
- কেন্দ্রীয় কমিটির সহযোগিতার জন্য প্রয়োজনীয় উপ-কমিটি গঠন করা।
- কর্মীদের উপস্থিতির সময় নির্ধারণ করা।
- কর্মীদেরকে তাদের দায়িত্ব কর্তব্য সম্পর্কে দিক নির্দেশনামূলক প্রশিক্ষণের ব্যবস্থা করা।
- উরস শরিফের কার্যক্রম শুরু হওয়ার একদিন পূর্বে কেন্দ্রীয় কমিটি উপ-কমিটির প্রধানদের নিয়ে আয়োজনের কার্যক্রম সঠিকভাবে হয়েছে কিনা, তা ভালভাবে তদারকী করা।
- চট্টগ্রাম শহরে, হাটহাজারী বাস স্ট্যাণ্ডে, নাজিরহাট দরবার গেইট ও দরবার শরিফ গেইট তে মুহনিত ভক্ত-জায়েরীনদের সুবিধার্থে তথ্যকেন্দ্র স্থাপন।

মাইজভাগার দরবার শরিফে উরস শরিফের জন্য ভক্ত-জায়েরীনদের সুবিধার্থে যে সমস্ত কার্যক্রম হাতে নেয়া প্রয়োজন:

১. চট্টগ্রাম শহর হতে নাজিরহাট দরবার শরিফ গেইট পর্যন্ত সরকারী সহায়তায় নিরাপত্তা ও ট্রাফিক ব্যবস্থা করা, যাতে করে পথে যানজটের সৃষ্টি না হয়। কাফেলার বাসগুলি নিরাপদে চলাচলের ব্যবস্থা গ্রহণ, লোকাল বাসে, সিএনজি, কার, হাইসে আসা ভক্তগণও যেন গাড়ীওয়ালার কর্তৃক প্রতারণা ও দুর্ব্যবহারসহ অতিরিক্ত ভাড়া আদায়ের হয়রানীর শিকার না হন, স্থানীয় ভক্তদেরকে এ বিষয়ে খেয়াল রাখার দায়িত্ব দেয়া যেতে পারে।

২. নাজিরহাট থেকে দরবার শরিফের মোড় পর্যন্ত বিশেষ নিরাপত্তার ব্যবস্থা করা। যানজটমুক্ত যাতায়াত ব্যবস্থা নিশ্চিত করা, প্রয়োজনে বাস কিংবা কাফেলার গাড়িগুলো এপথে প্রবেশ করতে না দেয়া। জেনারেটরের মাধ্যমে পুরো রাস্তায় লাইটিংয়ের ব্যবস্থা করা। ওটি পয়েন্টে টয়লেট, খাওয়ার পানি ও ওজুর পানির ব্যবস্থা করা।

দোকানদারগণ যেন আশেক-ভক্তদের সাথে দুর্ব্যবহার না করেন। অতিরিক্ত মূল্য আদায় না করেন এবং মানসম্মত খাবার পরিবেশন করেন, এবিষয়ে স্থানীয় ভক্তবৃন্দগণ ও দায়িত্বে নিয়োজিত স্বেচ্ছাসেবকগণ যেন কড়া দৃষ্টি রাখেন। গাড়ি-ঘোড়া নিয়ন্ত্রণ, যানজট রোধ, অসাধু দুষ্ট লোকদের অসুবিধা সৃষ্টির প্রচেষ্টা রোধ, চোর, পকেটমারদের চুরি ছিনতাই রোধ এবং সব ধরনের অসামাজিক কার্যকলাপ রোধে সরকারী পুলিশ

উরস হাদিয়ার তরতীব-০৭

প্রশাসন, গাড়ি মালিক সমিতি, ইউনিয়ন পরিষদ, পৌরসভা ও দরবার শরিফের স্বেচ্ছাসেবক সমন্বয়ে জোরালো পদক্ষেপ গ্রহণ করতে হবে। বিশেষত সংশ্লিষ্টদেরকে কার্যকরী ভূমিকা পালনে অভ্যন্তরীণ সক্রিয় ভূমিকা রাখতে হবে। আর নাজিরহাট থেকে দরবার শরিফ পর্যন্ত প্রতিটি পয়েন্টে দরবারী স্বেচ্ছাসেবকদের সক্রিয় উপস্থিতি একান্ত জরুরী।

দরবার শরিফ গেইট থেকে দরবার শরিফের অভ্যন্তরে যে সব ব্যবস্থা গ্রহণ করা প্রয়োজন:

সুশৃঙ্খলভাবে নিরাপদে আদব-মহব্বত সহকারে হাদিয়া পেশকরণ নিশ্চিত করা। গরু, মহিষ যেন মানুষ ও দোকান-পাটের ক্ষতি করতে না পারে এবং গরু-মহিষকে যেন উত্তেজিত করে কষ্ট না দেয়। মাজার শরিফ আসিনা ও দরবার শরিফের অভ্যন্তরের রাস্তাগুলো হাদিয়ার বর্জ্য ও অন্যান্য অপবিত্র কষ্টদায়ক বস্তু থেকে মুক্ত ও পবিত্র রাখার জন্য অভিজ্ঞ স্বেচ্ছাসেবক নিয়োগ করতে হবে। আজান ও নামাজের সময় বাদ্যযন্ত্র ও মাইক বন্ধ রাখার বিষয়টিও স্বেচ্ছাসেবকগণ নিশ্চিত করবেন।

দরবার শরিফ ও আশে-পাশের এলাকাতে মেলার সুযোগে যে কোন ধরনের অসামাজিক কার্যকলাপ- যেমন, মদ-গাঁজার আসর, জুয়া, গান, সার্কাস, লটারী ইত্যাদি দুই লোকের আনাগোনা সাধারণ ভক্তবৃন্দের নিরাপত্তার বিঘ্ন ঘটায়, বিশেষ করে মহিলা ভক্তদের নিরাপত্তায় বিঘ্ন সৃষ্টি করে এমন বিষয়ের রোধকল্পে ব্যবস্থা গ্রহণ করা। উরস শরিফে অংশগ্রহণকারী ভাসমান ক্ষুদ্র ব্যবসায়ীদের ওপর যেন দুই লোকেরা চাঁদাবাজী করতে না পারে, বড়, ছোট, ভাসমান, স্থায়ী যে কোন ধরনের দোকানী ভক্তদের থেকে পণ্যের অতিরিক্ত দাম নিতে না পারে, ভেজাল পণ্য বিক্রি করতে না পারে, দুর্ব্যবহার করতে না পারে, নষ্ট খাদ্য পরিবেশন করতে না পারে এবং সব ধরনের নিরাপত্তা, শৃঙ্খলা ও পরিচ্ছন্নতা নিশ্চিত করতে দক্ষ, অভিজ্ঞ ও সাহসী স্বেচ্ছাসেবক নিয়োগ করতে হবে। এসব বিষয়ে সরকারী সহযোগিতা পুরোপুরি কাজে লাগানো যায়।

দরবার শরিফের পরিষ্কার-পরিচ্ছন্নতা ও সঠিক পবিত্রতা রক্ষার জন্য যথাযথ ব্যবস্থা নিতে হবে: এক্ষেত্রে দরবার শরিফের অভ্যন্তরে রাস্তা সমূহ নালা-নর্দমা, টয়লেট, প্রশ্রাবখানা, ও পুকুরসমূহ পরিচ্ছন্ন ও দুর্গন্ধমুক্ত রাখা, ভক্ত-জায়েরীনদের ওয়ু-কালাম টয়লেট ব্যবহারে যেন বেগ পেতে না হয়, এক্ষেত্রে প্রয়োজনীয় ব্যবস্থা গ্রহণ করা। উরস শরিফ চলাকালীন দরবার শরিফের বড় পুকুরে গোসল করা বন্ধ রাখা একান্ত প্রয়োজন। পবিত্রতা অর্জনের সুবিধার্থে দরবার শরিফের অভ্যন্তরে বিভিন্ন পয়েন্টে আরো বেশ কিছু ওয়ুখানা ও শৌচাগারের ব্যবস্থা করা প্রয়োজন।

রওজা শরিফ ও হজরা শরিফসমূহের ভিতরে বাইরে পবিত্রতা, গাষ্ট্রীয় ও আদব রক্ষার পরিবেশ নিশ্চিত করতে হবে। এখানে অযথা ভীড় যেন না হয় এক্ষেত্রে প্রয়োজনীয় স্বেচ্ছাসেবক নিয়োগ করতে হবে।

উরস শরিফ পরিচালনা পরিষদ অংশগ্রহণকারী সমস্ত আশে-ভক্তবৃন্দের কর্মসূচি উল্লেখ করে এবং কর্মসূচিসমূহে আশে-ভক্তগণের অংশগ্রহণ কী ধরনের হবে, তা উল্লেখপূর্বক দিক নির্দেশনা সম্বলিত ব্যানার বিভিন্ন পয়েন্টে দেয়া হবে। সাথে সাথে উরস হাদিয়ার তরতীব-০৮

প্রতিটি ক্যাম্পে গ্রুপলিডার ও সংশ্লিষ্ট সবাইকে প্রচারপত্র বা হ্যান্ডবিলের মাধ্যমে তা বিলি করা হবে। পুরো উরস শরিফ সুনির্দিষ্ট কন্ট্রোল রুম থেকে মাইক যোগে পরিচালিত হবে।

উরস শরিফে সর্বসাধারণের জন্য কর্মসূচি:

- মাজার শরিফ ও হজরা শরিফসমূহ যথাযোগ্য মর্যাদায় সুসজ্জিত করা।
- পূর্বের দিন কর্তৃপক্ষের কর্মসূচি অনুযায়ী রওজা শরিফ গোসলের প্রোগ্রাম দেয়া। সুফীয়ায়ে কেব্রামের তুরিকা অনুযায়ী আওলিয়ায়ে কেব্রামের উরস শরিফকে কেন্দ্র করে রওজা শরিফ গোসলের রেওয়াজ আছে। সাজ্জাদানশীন, পীর সাহেব বাবাজানের নেতৃত্বে গোসল শরিফের কার্যক্রম শুরু হবে। বাবাজানের নেতৃত্বে আওলাদে পাক ও অনুমোদিত ব্যক্তিবর্গ পবিত্রতা ও আদব মহব্বতের সহিত রওজা শরিফের অভ্যন্তরে প্রবেশ করবেন, প্রয়োজন মত আতর গোলাপ এবং পবিত্র পানি সঙ্গে রাখবেন। পীর সাহেব হজুরের নির্দেশ মোতাবেক প্রথমে কুরআনে পাকের তেলাওয়াত, নাতে রাসূল (দ.) ও শানে গাউসুল আ'যম মাইজভাগারী (ক.) পরিবেশনে গোসল শরিফের কার্যক্রম শুরু হবে। গোসল শরিফের দায়িত্বপ্রাপ্ত আওলাদে পাক ও খাদেম সাহেবগণ ভক্তি-মহব্বত সহকারে তাদের কার্যক্রম সম্পন্ন করবেন। আর সমবেত আশে-ভক্তগণ কছিদা শরিফ, মিলাদ শরিফ, জিকির আজকারে রত থাকবেন। গোসল শরিফের আনুষ্ঠানিকতার পর্ব পীর সাহেব হজুরের দোয়া মুনাজাতের মাধ্যমে সমাপ্ত হবে। উল্লেখ্য যে, গোসল শরিফে ব্যবহৃত যাবতীয় জিনিসপত্র তাবারুক হিসেবে বিবেচিত।

বাবাজানের সাথে সাক্ষাতের আদব:

আপামর আশে-ভক্তগণ পীর সাহেব হজুর বাবাজানের সাথে সাক্ষাতলাভে ধন্য হবেন। বাবাজানের কদমে সালাম আরজ করবেন এটাই স্বাভাবিক। তবে এ ক্ষেত্রে কর্তৃপক্ষ সুশৃঙ্খল ব্যবস্থা নিশ্চিত করবেন এবং বাবাজান যাতে বিরক্ত না হন এ বিষয়টি নিশ্চিত করার জন্য বেশ কিছু স্বেচ্ছাসেবক নিয়োজিত থাকবেন। তারা সাক্ষাৎ প্রত্যাশী ভক্তবৃন্দের সারিবদ্ধভাবে দাঁড় করাবেন, একজন একজন করে বাবাজানের নিকটবর্তী হয়ে অত্যন্ত বিনয় নম্রতার সাথে আদব মহব্বত সহকারে অনুমোদিত রেওয়াজ অনুযায়ী সালাম পেশ করে দোয়া ও দয়ার আরজি দিয়ে দ্রুত বিদায় নিবেন, যাতে করে লাইনে দাঁড়ানো অসংখ্য আশে-ভক্তদের অসুবিধা না হয়। এ বিষয়টি সবারই লক্ষ্য রাখা প্রয়োজন; বিশেষ করে দূরবর্তী আশে-ভক্তদেরকে সাক্ষাতের সুযোগ দেয়ার ক্ষেত্রে প্রাধান্য দেয়া উচিত।

রওজা শরিফ জেয়ারতের আদব:

এ প্রসঙ্গে কর্তৃপক্ষের করণীয়, প্রধান খাদেমের নেতৃত্বে রওজা শরিফ শৃঙ্খলা কমিটি গঠন করা হবে। তারা রওজা শরিফের প্রধান গেইট, আসিনা, অভ্যন্তরের অংশ ও মেইন রওজা শরিফের শৃঙ্খলা পরিচালনা করবেন। জায়েরীনগণ ওয়ু সহকারে পবিত্রতার সাথে যথাস্থানে জুতা ও অন্যান্য সামগ্রী জমা রেখে মাজার শরিফে প্রবেশ করছেন কিনা লক্ষ্য রাখবেন। এক্ষেত্রে স্বেচ্ছাসেবকগণ পূর্ণ সহযোগিতা দিবেন। রওজা শরিফ জেয়ারতের আদব, নিয়ম কানুন সম্বলিত জায়েরীনদের জ্ঞাতার্থে একটি নোটিশ

উরস হাদিয়ার তরতীব-০৯

বোর্ডে লিখা থাকবে। জায়েরীনগণ নোটিশের নির্দেশনা অনুসারে জিয়ারত সম্পন্ন করবেন। প্রথমে অত্যন্ত আদব সহকারে নম্রতার সাথ রওজা শরিফে আশেকগণ প্রবেশ করবেন, কর্তৃপক্ষের অনুমোদিত রেওয়াজ অনুযায়ী সালাম আরজ করবেন, এরপর আসতাগফিরুন্নাহ ১১ বার পড়া হবে, এরপর ৩ বার সূরা ফাতিহা, ১১ বার সূরা এখলাস, সূরা নাস, সূরা ফালাক, সূরা আলাম নাশরাহ, সূরা কাউছার এক বার করে পড়া হবে। সূরা বাকারার শেষ আয়াতসমূহ, আয়াতুল কুরছি, সূরা তাওবার শেষ আয়াত সমূহ ইত্যাদি এক বার করে পড়া হবে। এর পর কর্তৃপক্ষের অনুমতি থাকলে মিলাদ কিয়াম শরিফ ও কছিদা শরিফ, শাজরা শরিফ পড়ে দোয়া মুনাজাত করা হবে। তবে ভাল হয়, উরস শরিফের মৌসুমে কিছুক্ষণ পর পর রওজা শরিফ কর্তৃপক্ষ সংক্ষিপ্ত কিয়াম মিলাদ ও দোয়া মুনাজাতের ব্যবস্থা করবেন, আর এই মীলাদ, মুনাজাতের সর্বোচ্চ সীমা হবে ২০-২৫ মিনিট। এরপর জায়েরীনগণ রওজা শরিফে রাখা তাবারুক (পানি, ফুল ইত্যাদি) গ্রহণ করবেন। নজরানা বাস্তবে দেয়া হবে। তাছাড়া গিলাফ, ফুলের তোড়া, আতর গোলাপ, মোমবাতি, আগরবাতি, গোলাপ জল ইত্যাদি রওজা শরিফের দায়িত্বে রত খাদেম সাহেবের নিকট পেশ করবেন। তিনি কর্তৃপক্ষের নির্দেশনানুযায়ী তা পেশ করবেন। নিজের খেয়াল খুশি মতে কিছু করতে যাবেন না। আবেগকে সংযত রাখবেন।

ক্যাম্পে অবস্থানের আদব:

যারা কাফেলা নিয়ে এসেছেন, হাদিয়া পেশ ও রওজা শরিফ জেয়ারত শেষে কর্তৃপক্ষের দেয়া ক্যাম্পে অবস্থান করবেন। ত্বরিকত ভিত্তিক আলোচনার আয়োজন করা হবে। সবাই আলোচনা শোনার ও সেমা মাহফিলের সুবিধার্থে সাউন্ড বক্স, স্পিকার ব্যবহার করবেন, কোন ভাবে মাইক ব্যবহার করবেন না, যাতে করে শব্দ দূষণ না হয়। ক্যাম্পে কিছু শুকনো খাবার ও পর্যাপ্ত পরিমাণে খাওয়ার পানি রাখবেন। যাতে করে তাবারুক বিতরণে বিলম্ব হলে অসুবিধায় পড়তে না হয়। কর্তৃপক্ষ ক্যাম্পে অবস্থানকালে যে নির্দেশনার অনুসরণ করতে বলেছেন তা মেনে চলবেন। আযানের পর সবাইকে নিয়ে নামাজ আদায় করবেন। নামাজের পর বিজ্ঞ মুরুব্বী ও আলেম ওলামাকে দিয়ে ত্বরিকত ভিত্তিক আলোচনায় অংশ নিবেন। কিয়াম-মিলাদ শরিফ, জিকির-আজকার, মাহফিল সেমার আয়োজন করবেন। খেয়াল রাখবেন, সেমা মাহফিল যেন ত্বরিকতের নিয়মানুযায়ী আদবদার কাউন্সিলকে দিয়ে করা হয়। বেয়াদব, ফালতু, ভেজাল ও ভুল গান পরিবেশনকারী, অশ্লীল, রং তামাশায় অংশগ্রহণকারী, নিয়ম-কানূনের ধার ধারেনা, ত্বরিকতের আদব নাই এমন গায়ক বিশেষ করে মহিলা গায়ক দিয়ে সেমা মাহফিল পরিচালনা করবেন না।

‘সাধনের কায়দা জানা চাই,

বেকায়দায় হইলে সাধন, মওলা রাজী নাই’

পীর সাহেব হুজুর বাবাজানের নির্দেশনা অনুযায়ী সূফীয়ায় কেরামের দেয়া নিয়মানুযায়ী সেমা মাহফিল পরিচালিত হবে। বাবাজানের পক্ষ থেকে কেন্দ্রীয়ভাবে যদি আলোচনা সভা, মিলাদ মাহফিল, সেমা মাহফিল, জিকির আজকার, দোয়া মুনাজাতের আয়োজন

উরস হাদিয়ার তরতীব-১০

হয়, তাহলে ঐ মাহফিলে যেভাবে অংশ গ্রহণের নির্দেশ দেয়া হবে ঠিক সেভাবে পূর্ণ আদব, মহব্বত সহকারে শৃঙ্খলার সাথে কাফেলার সবাইকে নিয়ে দলনেতা মাহফিলে অংশগ্রহণ করবেন। অত্যন্ত মনোযোগ সহকারে আলোচনা শোনবেন, পীর সাহেব হুজুর বাবাজানের নসিহত দুনিয়া-আখেরাতের অন্যতম শ্রেষ্ঠ পাথের হিসেবে গ্রহণ করবেন। এরপর তাবারুক গ্রহণ করবেন শৃঙ্খলার সাথে। ফজরের আযান পর্যন্ত জিকির-আজকার সেমা মাহফিলের মাধ্যমে অতিবাহিত করবেন। ফজরের নামাজ আদায়ের পর একটু বিলম্ব করে রাস্তায় তীড় কামার জন্য অপেক্ষা করে বিদায় নিয়ে কাফেলার সবাই একসাথে নিজ নিজ গন্তব্যের উদ্দেশ্যে রওনা হবেন।

উরস শরিফে আগত সাধারণ ভক্তদের করণীয়:

সাধারণ আশেকীন ভক্তগণ উরস শরিফ পরিচালনায় যাদের সুনির্দিষ্ট কোন দায়িত্ব নাই, তাদের বড় দায়িত্ব হচ্ছে উরস শরিফে আগত ভক্ত জায়েরীনদের যে নীতিমালা ও দিক নির্দেশনা দেয়া হয়েছে, তা অক্ষরে অক্ষরে পালন করা এবং অন্যান্যদেরকেও মেনে চলতে উৎসাহিত করা। আপনার পীর ভাই আশেক-ভক্তদের সাথে কুশল বিনিময় করা, কোন বিশৃঙ্খলা, কোন দুষ্ট লোকের পদাচরণা দরবারে আকদসের শানে আজমতের পরিপন্থী কোন কিছু দৃষ্টিগোচর হলে তা দ্রুত কর্তৃপক্ষকে অবহিত করা। কোথাও খেদমতের সুযোগ পেলে তা হাতছাড়া না করা, নিজের কোন ভূমিকার দ্বারা যেন কোন ধরনের বিশৃঙ্খলা না হয় সেদিকে সতর্ক দৃষ্টি রাখা।

মাইজভাণ্ডারী ত্বরিকা দর্শনের বই-পুস্তক, জীবনীগ্রন্থ ও উরস শরিফকে উপলক্ষ করে বিভিন্ন পত্রিকা-ম্যাগাজিন, বিভিন্ন ধরনের সিডি ইত্যাদি নিজে ক্রয় করা, অন্যান্যদেরকে ক্রয় করতে উৎসাহ দেয়া এবং নতুনদেরকে কিনে উপহার দেয়া।

উরস শরিফ পরিচালনায় দায়িত্ব প্রাপ্তদের করণীয়:

উর্ধ্বতন কর্তৃপক্ষ থেকে যে দায়িত্ব অর্পিত হয়েছে তা অত্যন্ত আন্তরিকতার সাথে দলনেতার আনুগত্যে পালন করা, কারো সাথে কোন ধরনের বাড়াবাড়ি, অভিমান না করা এবং মনের মধ্যে এমন কোন ধারণা না রাখা যা দ্বারা আমিত্ব প্রকাশ পায়, অত্যন্ত নম্রতা ভদ্রতা ও আদব মহব্বতের সহিত দায়িত্ব পালন করা, এটাই ইবাদত আর কোনক্রমে এটা যেন মনে না আসে আমি উচ্চশিক্ষিত, এই দায়িত্ব আমার ব্যক্তিত্বে ফিট নয়, এ ধরনের মন মানসিকতা ত্বরিকতের উৎকর্ষ সাধনে বড় অন্তরায়। আর উর্ধ্বতন কর্তৃপক্ষ যেহেতু বাবাজানের মনোনীত, তাই তাদের অর্ডার বা সিদ্ধান্ত বাবাজানের নির্দেশ হিসেবে নিতে হবে। আর যারা ক্ষমতার অপব্যবহার করে সে জন্য তারাই দায়ী থাকবেন, সেটা অন্যদের ভাববার বিষয় নয়।

উরস হাদিয়ার তরতীব-১১

পীর-মুর্শিদের দরবারে হাদিয়া পেশ প্রসঙ্গ ॥ মাওলানা কাজী মোহাম্মদ হাবিবুল হোসাইন ॥

বিসমিল্লাহির রাহমানির রাহীম

হাদিয়া আরবি শব্দ। এর অর্থ উপঢৌকন, উপহার। ইসলামী শরিয়তের পরিভাষায় কোন মুসলমান অপর কোন মুসলমানকে আন্তরিকতা ও ভক্তিসহকারে কোন কিছু উপহার প্রদান করা। এটি শরিয়তসম্মত এবং নেয়া, দেয়া উভয়ই বরকতময়। এতে একে অপরের প্রতি ভক্তি শ্রদ্ধা বাড়ে।

মূলতঃ কামিল পীর-মুর্শিদ হলেন মানুষকে সঠিক পথের সন্ধানদাতা। তাঁরা আল্লাহর রসূলের বিশেষ প্রতিনিধি। তাঁদের দরবারে যাওয়া-আসা কিংবা তাঁদের দরবারে হাদিয়া নজরানা পেশ করা অত্যন্ত বরকতময় কাজ।

প্রিয় নবী (দ.)-এর দরবারে সাহাবায়ে কেঁরামরা অত্যন্ত আদব-মহব্বত সহকারে হাদিয়া নজরানা পেশ করতেন। নবীজী (দ.) এর দরবারে হাদিয়া পেশ সম্পর্কে আল্লাহ তায়ালা বলেন: **يَأْتِيهَا الَّذِينَ آمَنُوا إِذَا نَاجَيْتُمُ الرَّسُولَ فَقَدِمُوا بَيْنَ يَدَيْ نَحْرِكُمْ الْح**
অর্থঃ হে ঈমানদারগণ, যখন তোমরা রাসূলের নিকট কোন কথা গোপনে আরজ করতে চাও, তখন আবেদনের পূর্বে সাদাকা প্রদান কর। ইহা তোমাদের জন্য কল্যাণকর ও পবিত্রতর। কিন্তু যদি তোমাদের সামর্থ্য না থাকে, তবে আল্লাহ ক্ষমাশীল ও দয়ালু। (সূরা মুজাদালাহ, আয়াত ১২)

অত্র আয়াত নাখিলের প্রেক্ষাপটঃ প্রিয় নবী (দ.) এর মজলিসে অনেকেই তাঁর সাথে কানে কানে বা সংগোপনে অনেকক্ষণ কথা বলার চেষ্টা করত। বিশেষতঃ কপট বিশ্বাসীরা এ সম্পর্কে কারণে-অকারণে অতি সামান্য বিষয় নিয়ে প্রিয় নবীজীকে (দ.) অবিরত বিরক্ত করত। কিন্তু হুজুর (দ.) ভদ্রতা ও চক্ষুসজ্জার জন্য তাদেরকে কিছু বলতে পারতেন না। তাই আল্লাহ তায়ালা এই আয়াত নাখিল করেন। অত্র আয়াত দ্বারা কিছু জানার পূর্বে কোনো কিছু সাদকা পেশ করা ওয়াজিব বা অপরিহার্যতার বিধান জারি হলেও পরের আয়াত দ্বারা অপরিহার্যতার স্থলে কেবল যাকাতকে বাধ্যতামূলক রেখে সাদাকা প্রদানের পরামর্শ দিয়ে সহজতর ও নমনীয় করা হয়। আল্লাহ তায়ালা বলেন: **ءَأَشْفَقْتُمْ أَنَّ تَقْدِمُوا بَيْنَ يَدَيْ نَحْرِكُمْ صَدَقَاتٍ فَإِذْ لَمْ تَفْعَلُوا وَتَابَ اللَّهُ عَلَيْكُمُ الْح**
অর্থঃ তোমরা কি এতে ভয় পেয়েছ যে, তোমরা স্বীয় আবেদনের পূর্বে কিছু সাদকা দেবে? অতঃপর তোমরা যখন এটা করোনি এবং আল্লাহ স্বীয় করুণা সহকারে তোমাদের প্রতি প্রত্যাবর্তন করেছেন। সুতরাং, তোমরা নামাজ কায়েম কর, যাকাত দাও এবং আল্লাহ ও তাঁর রাসূলের অনুগত থাকো। আর আল্লাহ তোমাদের কর্ম সম্পর্কে জ্ঞাত। (সূরা মুজাদালাহ, আয়াত ১৩)

অত্র আয়াত দ্বারা হাদিয়া পেশ করা মোস্তাহাব হিসাবে রাখা হয়েছে। অত্র আয়াত থেকে এটাও সুস্পষ্টভাবে বুঝা যায় কামিল পীর-মুর্শিদের সন্তুষ্টি অর্জনের জন্য হাদিয়া তোহফা- পেশ করা এবং কোন আলেম মুফতি থেকে ফতোয়া-ফরয়েজ জানার জন্য হাদিয়া তোহফা পেশ করা মোস্তাহাব।

হাদীস শরিফের আলোকে হাদিয়া:

حدثنا ابراهيم بن موسى حدثنا عبدة حدثنا هشام عن ابيه عن عائشة ان الناس كانوا يتحررون بهدياهم يوم عائشة يتبعون بها اويتبعون بذلك مرضاة رسول الله ﷺ

আয়েশা (রা.) হতে বর্ণিত তিনি বলেন, লোকেরা তাদের হাদিয়া পাঠাবার জন্য আয়েশার জন্য নির্ধারিত দিনের অপেক্ষা করত। এ উপায়ে তারা রাসূলুল্লাহ (দ.) এর সন্তুষ্টি অর্জনের চেষ্টা করত (বুখারি ২৩৯৪ হাদিস)।

রাসূল (দ.) এর স্ত্রীগণের মধ্যে যেদিন আয়েশার (রা.) ঘরে অবস্থান করতেন, ঐ দিন সাহাবায়ে কেঁরামরা হাদিয়া বেশী নিতেন।

প্রিয় নবীজী (দ.) অন্যত্র ইরশাদ করেন:

حدثنا ابراهيم بن المنذر حدثني معن قال حدثني ابراهيم بن طهمان عن محمد بن زياد عن ابي هريرة قال كان رسول الله ﷺ اذا اتى بطعام سأل عنه أهديه ام صدقة - فان قيل صدقة قال لاصحابه كلوا ولم يأكل - وان قيل هدية ضرب يده ﷺ فاكل معهم -

ইব্রাহিম ইবনুল মুনিযির (রা.) আবু হুরাইরা (রা.) হতে বর্ণিত তিনি বলেন, রাসূল (দ.) এর খিদমতে কোন খাবার এলে তিনি জানতে চাইতেন, এটা হাদিয়া না সাদাকা? যদি বলা হতো সাদাকাহ, তাহলে সাহাবীদেরকে তিনি বলতেন, তোমরা খাও। কিন্তু তিনি খেতেন না। আর যদি বলা হতো হাদিয়া, তাহলে তিনিও হাত বাড়াতেন এবং অন্যান্যদের সাথে খাওয়ায় শরিক হতেন (বুখারি শরিফ)

এভাবে পবিত্র কুরআন ও হাদিস শরিফে বিভিন্ন স্থানে হাদিয়া, সাদাকা দেওয়া ও নেওয়ার ব্যাপারে অনেক বর্ণনা রয়েছে।

হাদিয়া ও সাদাকাহর পার্থক্যঃ দুটোই আরবি শব্দ এবং পৃথক অর্থবোধক। হাদিয়া মানে উপঢৌকন বা উপহার আর সাদাকাহ মানে দান করা। হাদিয়া সবার জন্য গ্রহণ করা জায়েজ। পক্ষান্তরে সাদাকাহ সবার জন্য গ্রহণ করা জায়েজ নেই। সাদাকাহ গ্রহণ করার ব্যক্তি নির্দিষ্ট; যথা- যারা গরিব, মিছকিন বা নিঃশ্ব।

প্রিয় নবী (দ.) কখনো সাদাকাহ গ্রহণ করেননি। হাদিয়া গ্রহণ করতেন, আবার কখনো কখনো হাদিয়াও ফেরত দিতেন। এজন্য কোন আওলাদে রাসূলের জন্য সাদাকা, দান-খরাত গ্রহণ করা জায়েজ নাই, গরিব হলেও। তবে প্রিয় নবীজী (দ.) কখনো আতর বা সুগন্ধি জাতীয় কোন হাদিয়া ফেরত দিতেন না। তাই আওলিয়ায়ে কেঁরামগণের দরবারে বা তাঁদের রওজা পাকে আতর দেয়া হয়।

দেশে প্রচলিত হাদিয়া দানঃ আমাদের দেশের কোনো কোনো মাজারের উরস, খোশরোজ শরিফের অনুষ্ঠানে ভক্ত মুরিদগণ যেভাবে পশু হাদিয়া পেশ করেন, তা শরিয়তের দৃষ্টিতে অসম্মানজনক এবং আপত্তিকর। দেশে কোন কোন জায়গায় দেখা যায়, উরসে হাদিয়া নেয়ার নামে (জোর করে মানুষ থেকে টাকা তুলে), পশুকে উল্লাসের বস্ত্র বানিয়ে কৃত্রিম ঔষধ সেবন করিয়ে পশুকে পাগল করে অহেতুক নির্যাতন করে রাস্তায় বিঘ্ন ঘটিয়ে জনসাধারণকে কষ্ট দিয়ে হাদিয়া পেশ করা হয়। এ ক্ষেত্রে সাওয়াব তো দূরের কথা আরো গুনাহ হওয়ার সমূহ আশঙ্কা। কারণ, একদিকে জনসাধারণকে কষ্ট দেয়া, পশুকে কষ্ট দেয়া, অপর দিকে সাহেবে মাজারের বা পীরের অসন্তুষ্টিও।

পশু-পাখির প্রতি দয়া করাঃ অনেকে মহিষ গুরু ইত্যাদি হাদিয়াকে অনর্থক কষ্ট দেয় যা

শরিয়ত সম্মত নয়। প্রিয় নবী (দ.) এরশাদ করেন,
 الحلق عيال الله فأحب الحلق إلى الله من أحسن إلى عياله -
 পরিজন। সুতরাং, আল্লাহর নিকট সর্বাধিক প্রিয় ঐ ব্যক্তি যে, তার পরিজনের প্রতি
 অনুগ্রহ করে (বায়হাকি)।

জীবজন্তু, পশু-পাখি ও আল্লাহর সৃষ্টি। তাদের প্রতি দয়া প্রদর্শন করলে আল্লাহতায়ালার
 সন্তুষ্ট হন। সৃষ্টির প্রতি অনুগ্রহ করার দ্বারা মানুষ আল্লাহ তায়ালার প্রিয় বান্দা হতে পারে।
 চতুঃস্পদ জন্তু কোন কিছু ভক্ষণ করলে তাও সাদাকা: প্রিয় নবীজী (দ.) এরশাদ করেন,
 ما من مسلم يغرس غرسا أو يزرع زرعاً فيأكل منه طير أو إنسان أو بهيمة إلا كان له صدقة - (متفق عليه)
 অর্থাৎ কোনো মুসলমান যদি বৃক্ষরোপন করে কিংবা কোনো ফসল আবাদ করে এবং
 পর তা থেকে কোন পাখি, মানুষ বা কোনো চতুঃস্পদ জন্তু কিছু ভক্ষণ করে, তবে তা
 তার জন্য সদকা হিসেবে গণ্য হবে (বুখারি ও মুসলিম)।

যে পশুকে দয়া করলে আল্লাহ সন্তুষ্ট হন বা যে পশুকে আহার করলে সদকায়
 পরিগণিত হয়, ঐ পশুকে নির্যাতন করলে যথাসময়ে খাবার পানি না দিলে তাতে
 অবশ্যই আল্লাহ অসন্তুষ্ট হবেন। তাই আমরা যারা মহিষ, গরু কিংবা উট ইত্যাদি
 পশুকে হাদিয়া হিসেবে পীর-মুর্শিদের দরবারে পেশ, করি তাদেরকে অবশ্যই এদিকে
 লক্ষ্য রাখা উচিত।

কিভাবে হাদিয়া পেশ করবেন: আপন পীর-মুর্শিদ কিংবা হক্কানী বুজুর্গানে দ্বীনের
 দরবারে অত্যন্ত আদব মহক্বতের সাথে হাদিয়া নজরানা পেশ করতে হয়। প্রিয় নবী
 (দ.) এর দরবারে সাহায্যে কেলামরা যেভাবে আদব-মহক্বত সহকারে হাদিয়া পেশ
 করতেন, সেভাবেই হাদিয়া পেশ করা কর্তব্য।

হাদিয়ার জন্তুকে নেয়ার পূর্বে যথাসময়ে গোসল করিয়ে ভালভাবে রশি দিয়ে বেঁধে খড়-
 পানি খাওয়ায়ে অহতুক না মেরে আস্তে আস্তে দরবারে পেশ করে আসা। যাতে
 কোনো অবস্থাতেই কোন দুষ্ট চরিত্রের লোক পশুকে কৃত্রিম কিছু না খাওয়ায় সেদিকে
 প্রত্যেক কমিটি প্রধানরা কিংবা সংশ্লিষ্ট দায়িত্বশীল ব্যক্তিকে সজাগ দৃষ্টি রাখতে হবে।
 অন্যথায় পশু নির্যাতন কিংবা মুনিব- অসন্তুষ্টির দায়ভার সংশ্লিষ্ট ব্যক্তিকেই নিতে হবে।
 দেশের বিভিন্ন উরস মাহফিলের অনুষ্ঠানে সরেজমিনে ঘুরে দেখা যায়, অধিকাংশ
 বিশৃঙ্খলা এই হাদিয়ার কারণে হয়ে থাকে। তাই সংশ্লিষ্ট দায়িত্বশীল ব্যক্তিবর্গ যদি এ
 বিষয়টি কঠোরভাবে নিয়ন্ত্রণ করতে পারেন, তাহলে উরস মাহফিলের এক বিশাল
 খিদমত সৃষ্টিভাবে আঞ্জাম দেয়া যাবে এবং জায়েরীনরাও মাজারে ভাল করে জেয়ারত,
 মিলাদ কিয়াম ইত্যাদি সহজভাবে করতে পারবে। এক্ষেত্রে দু'একটি পদক্ষেপ নেয়া যায়
 : প্রথমত: স্ব-স্ব পীর বা সাজ্জাদানশীনগণ বা দায়িত্বশীলগণ কঠোরভাবে নির্দেশ জারি
 করতে পারেন অথবা উরস পূর্ববর্তী রাতে স্ব-স্ব হাদিয়া মহিষ, গরু ইত্যাদি জমা করে
 দিতে পারেন। অথবা অনুষ্ঠানের দিন নির্দিষ্ট একটি সময় বেঁধে দিলে (অর্ধ দিবসের
 মধ্যে) মহিষ, গরু পৌঁছিয়ে দেয়া সহজ হয়। যদি এভাবে হাদিয়া নেয়ার ব্যবস্থা করা
 হয় তাহলে উরসের প্রকৃত রূপ ফুটে উঠবে এবং অনুষ্ঠানের শোভা বর্ধনও হবে।

আল্লাহ পাক আমাদেরকে অলির দরবারে আদব ও মহক্বত সহকারে সাধ্যমত হাদিয়া
 নজরানা পেশ করে তাদের ফুযুজাত বারাকাত হাসিলের তৌফিক দিন আমিন। বে
 হুরমতে সৈয়দুল মুরসালিন।

প্রসঙ্গ : নজর-মানত

॥ অধ্যক্ষ আলহাজ্ব মাওলানা গোলাম মুহাম্মদ খান সিরাজী ॥

বিসমিল্লাহির রাহমানির রাহীম

হযরত শাহ আবদুল আজীজ মুহাদ্দিছ দেহলবী (রহঃ) ফতোয়ায় আজিজিয়ার ৭৫ পৃঃ
 লিখেন- 'তায়ামিকে ছওয়ার আঁ নিয়াজ হযরত ইসমাইল (ইমাম হাসান ও হোসাইন
 (আঃ) নমায়ন্দ বরআঁ ফাতেহা ওয়া কুল ওয়া দুরুদ খানদন তাবাররুক মী শাওয়াদ
 খোরদন বিছইয়ার খুবআত্ত'। অর্থাৎ- ইমাম হাসান-হোসাইন এর নিয়াজের খাদ্য
 খাওয়া এবং তাঁর উপর ফাতিহা, কুল হুয়াল্লাহ, দুরুদ শরিফ পাঠ করা হলে বা তবাররুক
 হয়ে যায় এবং তা খুবই উত্তম (১০৫ পৃষ্ঠা)। ফতোয়া আজিজীর ৯৫ পৃষ্ঠায় আছে-
 'নজর বরায়ে খোদা ওয়া জিকির নমুদন শায়খ (পীর-মুর্শিদ-ওলী) জুজই নিত্ত কে
 মহল হরক নজরআত্ত ববায়ে মুত্তাহাককান নজর জায়েজ আত্ত'। অর্থাৎ- নজর-মানত
 আল্লাহর জন্যই। আর তাতে কোন পীর-মুর্শিদ-ওলী-আওলিয়া ফকীর দরবেশ এর
 নাম উচ্চারণ করার অর্থ হলো শুধুমাত্র একারণে যে, তারা হলেন নজর-মানতের
 হকদার। তাদের আন্তানা বা রওজা শরিফ চতুরে নজর মানতের বস্ত্র-দ্রব্য, পশু-পাখি
 ইত্যাদি বন্টন করার উপযুক্ত ক্ষেত্র। নজর-মানত তো জায়েজ।

আউলিয়াগণের মাজার শরিফের মুতাওয়ালী, তাঁদের ওয়ারিশ, তাদের আওলাদ,
 তাঁদের আন্তানার খাদেম-সেবকদেরকে নজর-মানতের দ্রব্যাদি দেয়া আর তাঁদেরকে
 নজর-মানত পরিবেশনের লক্ষ্যস্থল করা জায়েজ ও বৈধ। অনুরূপ বর্ণনা বিখ্যাত
 ফতোয়ার কিতাব বাহররুণ রায়েক, তাহতাবী, শামী প্রভৃতি নির্ভরযোগ্য প্রমাণ্য
 কিতাবেও বিদ্যমান রয়েছে। (ফতোয়ায় নঈমী, পৃঃ ২২)

ইরশাদে কোরানী আছে-

'খুজ মিন আমওয়ালিহিম সাদাকাতান তুতাহিরুহুম ওয়া তুজাকাকিহিন বিহা ওয়া সাল্লি
 আলাইহিম' (সূরা তাওবাহঃ ১০৩) অর্থাৎ- ওহে আমার প্রিয় মাহবুব নবী (দ.)! তাদের
 মালামাল থেকে সাদকা গ্রহণ কর। যাতে তুমি সেগুলোকে এর মাধ্যমে পবিত্র করতে
 এবং সেগুলোকে বরকতময় করতে পারো আর তুমি তাদের জন্য উত্তম দোয়া করো।
 নিঃসন্দেহে তোমার দেয়া (সালাত) তাদের জন্য সদকা স্বরূপ। অত্র আয়াতে যে
 সাদকার বর্ণনা করা হয়েছে তাতে অতিরিক্ত (নফল) সাদকাও উদ্দেশ্য হতে পারে।
 যেগুলো গাজওয়ায়ে তাবুকের মধ্যে বিনা কারণে পশ্চাতে থাকা সাহাবী পরবর্তীতে
 তওবা কবুল হওয়ার আনন্দে কাফফারা স্বরূপ দিতে চেয়েছিলেন। আল্লাহতায়ালার নবী
 করিম (দ.) কে ইরশাদ করেন যে, আপনি তাদের কাছ থেকে সাদকা কবুল করে নিয়ে
 তাদেরকে পাক-সাফ এবং পরিচ্ছন্ন করেছেন এবং তাদের জন্য ভাল দোয়া করেন।
 অত্র আয়াত দ্বারা যাকাতও উদ্দেশ্য হতে পারে। যেগুলো তাদের উপর ফরজ ছিল আর
 তারা তা নবী করিম (দ.)'র হাত মুবারকে দিতে চেয়েছিল। আল্লাহর পক্ষ হতে আদেশ

হলো যে আপনি তাদের নিকট থেকে যাকাত উসূহ করে সেগুলো আপনার বিবেচনানুযায়ী সঠিক পথে ব্যয় করুন এবং তাদের জন্য সং দোয়া করুন। এ আয়াত থেকে যে গুরুত্বপূর্ণ মাসয়লা প্রকাশ পেল তন্মধ্যে কয়েকটি হলো- (১) কোন পাপ কাজ সংঘটিত হলে অবিলম্বে তওবা করা। (২) তওবার সাথে সাথে সমর্থ্য হলে সাদকা-খায়রাতও করা। (৩) ‘মুসলমানের উচ্চ নিজের যাকাত-সাদকাসমূহ কোরআন-সুন্নাহর তত্ত্বজ্ঞানী, বিশুদ্ধ আকীদা সম্পন্ন ধর্মীয় আলেম-ওলামা কিম্বা ওলী-আউলিয়ার মাধ্যমে আদায় করা। অর্থাৎ তাদের নিকট হস্তান্তর করা। তারা একথা আরজ করল যে, এটা যাকাত বা সাদকা, এগুলোকে আপনি যেথায় অতি প্রয়োজন মনে করেন সেখানে খরচ করবেন। সাহাবা-এ-কেরাম এভাবেই আমল করতেন। (৪) এভাবে আমল করার কারণে মানবের বাতিনের সাফাই বা দেহাত্মত্বের পরিচ্ছন্নতা এবং রূহানী তরক্কী বা আত্মিক উন্নতি সাধিত হয়। (৫) এসব সাদকা বা দান-দক্ষিণা, হাদীয়া-তোহফা, নজর-নেয়াজ প্রাপ্ত হয়ে গ্রহণকারী দাতাকে নেক দোয়ার মাধ্যমে স্মরণ করা। (৬) ওলী-বুজুর্গের দোয়ার মাধ্যমে মানুষের মুশকিল আসান হয়, দুচ্ছিত্তা দূরিত্ব হয়ে যায়। যেমন হাদীস শরিফে আছে- “লা ইয়ারুদ্দুল কাহায়া ইল্লাদোয়াউ ওয়া লা ইয়াজীদু ফীল উমরে ইল্লাল বিররি” অর্থাৎ- তকদীর বা নিয়তিকে ফিরিয়ে দিতে পারে দোয়া, আর আয়ু নেকী বা সৎকর্মই বৃদ্ধি করতে পারে (তিরমিজী ও মিশকাত)। প্রসিদ্ধ হাদীসবেত্তা মোহ্লা আলী কারী (বিসাল- ১৩১৪ হিজরী) তদীয় গ্রন্থ ফতহুল বারীতে ইরশাদ করেন- ‘দোয়া হচ্ছে বিপদ দূরিত্ব হওয়া এবং রহমত অর্জনের উসিলা’।

Sunnipedia.blogspot.com
Sunni-encyclopedia.blogspot.com
PDF by (Masum Billah Sunny)



আলোকধারা বুকস

এস জেড এইচ এম ট্রাস্টের প্রকাশন

- ০১) শাহানশাহ্ হযরত সৈয়দ জিয়াউল হক মাইজভাগরীর জীবনী শরীফ
- জামাল আহমদ সিকদার (১৯৮২)
- ০২) ঐশী আলোর জলসায়র - মোঃ মাহবুব উল আলম (১৯৮৪)
- ০৩) Shahanshah Ziaul Huq Maizbhandari
- Syed Mohd. Amirul Islam (1992)
- ০৪) The Divine Spark - Md. Ghulam Rasul (1994)
- ০৫) শাহানশাহ্ হযরত সৈয়দ জিয়াউল হক মাইজভাগরী : ব্যক্তি ও ব্যক্তিত্ব
- সম্পাদনা, মোঃ মাহবুব উল আলম (১৯৯৭)
- ০৬) কুরআন-হাদীসের আলোকে সিজদা/সেমা প্রসঙ্গ - হাফেজ আবুল কালাম (২০০০)
- ০৭) হযরত গাউসুল আজম মাইজভাগরীর (ক.) ওফাত শতবার্ষিকী বিশেষ
প্রকাশনা (মাসিক আলোকধারা) - সম্পাদনা, মোঃ মাহবুব উল আলম (২০০৬)
- ০৮) তাজকেরাতুল মাইজভাগরিয়া (২০০৮)
- ০৯) বাংলাদেশের স্বাধীনতা সংগ্রাম ও মুক্তিযুদ্ধে মাইজভাগর দরবার
শরীফের ভূমিকা - মোঃ মাহবুব উল আলম (২০০৯)
- ১০) মাইজভাগর শরীফ পরিচিতি - ড. সেলিম জাহাঙ্গীর (২০১৪)
- ১১) মাইজভাগরী জীবন-বোধ ও কর্মবাদ [একটি সমাজতাত্ত্বিক প্রক্ষেপণ]
- মোঃ মাহবুব উল আলম (২০১৫)
- ১২) হযরত শেখ নিজামউদ্দিন আওলিয়া (রঃ) : জীবন ও কর্ম
- প্রফেসর ড. আবদুল মান্নান চৌধুরী (২০১৫)
- ১৩) ছহীহ নুরানী অজিফা (২০১৫)
- ১৪) উরস-হাদিয়ার তরতীব (২০১৫)
- ১৫) কালাম-এ-শাহানশাহ্ মাইজভাগরী (২০১৫)

[পুস্তকের পাশে প্রথম সংস্করণের সন উল্লেখ করা হয়েছে।
তবে ১নং পুস্তকের ইতোমধ্যে দ্বাদশ সংস্করণ এবং ২নং থেকে ১০নং পুস্তকগুলোর
প্রত্যেকটার একাধিক সংস্করণ প্রকাশিত হয়েছে।]